

106 年全國語文競賽原住民族語朗讀【賽考利克泰雅語】 高中學生組 編號 3 號
gm naw' mari mama Yukan

mama mu Yukan hya ga mtzyu pgan pspat kawas niya la, bla q niya ktan qu cyuw mzzingat mari kwara qu mmrkyas, ru musa tkura sa ttara' cyux squzi ka wagi q na qlcing qasa. bla q niya balay ktan ru musa 'mimaw sa cyux gm naw mari' qasa, kmal maha aki saku mwah gm naw uzi ku? maha, swalan kwara na laylaqi lru musa 'mimaw kya uzi la. ga bali niya baqun kwara qu gaga na pgnawgan mari qasa hya.

nanu galun niya qu mari lga, wal niya si gba qu mari ru wal mayqzinah, ru pip! sawn na saybang maha nyux su min' uqu' la kmal mama Yukan maha "han! aw ga!" biqan mari na gluw niya ru, aki niya pawsun sa kari qu mari ga minzmagal qmara ru tkrawn niya qu mari lga, pip! sawn lawzi na saybang maha nyux su min' uqu' lawzi la ru " han! aw ga! " maha lawzi qu mama Yukan qasa.

galun niya lawzi qu mari ru musa tkura sa kari qasa lga, sqhut na squliq ru mtakuy kwara naha, ktan lga pip! sawn lawzi na saybang maha nyux su min' uqu' lawzi la ktan qu mama Yukan qasa lga, yaqih hazi ktan rgyas niya la, lmnglung maha " aw squliq qasa nanak qu mwah qmihuy ru swa kung lawzi qu yaquh sawn niya lawzi " maha lmnglung la. ru nway qiri maha lmnglung lawzi, ru si niya sr' iy lawzi qu inlungan niya qasa, sawn kasa lga kya qutux qu gluw na sngusun naha nyuw maras mari, ru nyuw mkura tay ki hiya aki musa tkura mari, ga sqihut niya la, ini niya hrqani ru maymaw mtakuy qu squliq qasa la, sawn kasa lga, pip! sawn lawzi na saybang maha nyux su min' uqu' lawzi la t' uqu' lqu mama Yukan maha " iyyat saku pgnaw la, sayqihun saku naha! " maha ru, nyuw si uwah, ini gnaw' la.

106 年全國語文競賽原住民族語朗讀【賽考利克泰雅語】 高中學生組 編號 3 號
叔叔打籃球

我的游幹叔叔已經六十八歲了，他很喜歡看著那些年輕人搶著球，然後投入高掛的籃框裡的樣子。因為他很喜歡看，所以就去參加正在玩的那些人中。他問他們說：「我也想要一起打可以嗎？」，他們答應了之後，他也混進去了，不過他並不知道籃球的遊戲規則。

當他拿到籃球的時候，他就把籃球抱著跑，於是裁判就對他吹了一聲「嗶！」，說：「犯規啦！」游幹叔叔說：「喔！好吧！」他的隊友傳了球給他，然後，他要投籃時，踏了五步，把球投向籃框。「嗶！」一聲，裁判又對他說：「你又犯規啦！」然後游幹叔叔說：「喔！是喔！」。

他又拿到了球，要去投球的時候，被別人阻擋造成兩個人都摔倒，結果裁判又對他「嗶！」的一聲說：「你又犯規了！」，這時的游幹叔叔，臉色不太好看，心裡想著：「不是別人自己跑來阻擋嗎？怎麼又是我的錯了呢？」游幹叔叔想說沒關係，然後再一次的把情緒給壓抑了下來，結果對手中的一個人帶球過來，然後朝著他的方向準備投籃，但被他阻擋，他並沒有讓對方摔倒，結果，裁判又一聲「嗶！」，說：「你又犯規了！」游幹叔叔生氣了，便說：「我不玩了！他們排斥我！」於是退了出來，不玩了。